

Typis J. QUILLAE, Universitatis & Facultatis Medicinæ Typographi, 1723.

QUÆSTIO MEDICA, 29.

QUOD LIBETARIIS DISPUTATIONIBUS manè discutienda in Scholis Medicorum, die Jovis 18 Novembris 1723.

M. NIC. LE ROY DE S. AIGNAN,

DOCTORE MEDICO PRÆSIDE.

An Morbus hereditarius Arto sanabilis?

I.

ANIMALIS vita, fluidorum jugis, placida Circuitio: Solidorum æqua occillatio: utrorumque motus alternatim vigens. Illa modò solidorum systaltico premuntur, quassantur, teruntur, triduntur motu: hæc modò renitentis undique fluidi experiuntur vires. Ex hæc, inter utraque, libratione, functionum integritas. Fluidum, pro redundanti vel vitiatâ mole, solidi elaterem gravando, aut lacescendo, utriusque diruit commercium. Solidum vividius, imperiosiusque in fluidum agendo, hujus nimis agitat molem, & circuitionis & secretionis pervertit motum. Fluidi dilutior, aquosior crasis, solidi eludit ictus, quos hebetat, obtundit: unde fluidi malè subacti vitium, quod in vasis minoribus stagnationem, mox in majoribus creat phlogoseos causam. ex alterutro, à genio deficiente, morbus, qui major, diuturniorque, ubi à solidorum, vel imbecilliori, vel rigidiori, vel immutatâ structurâ, solescit.

II.

UT ex reciproca & æquâ solidorum ac fluidorum libratione pendet secretionum opus; sic ab interruptâ, inæquali, languidiori, feriat, elanguet aut aberrat, unde varia morborum variè debacchantium cohors. Sanguis uberior, graviorve, sæviora inducit symptomata morbosque acutos, uti lethargum, appoplexiam, anginam, pleuritidem, milleque phlogoseos hujus, aut illius partis, omniumve simul & semel, signa & effectus promit. Salibus facta sanguinis crasis, pro aculeis, membranas lacescendo, nervorumque adigendo systema, tensionem, crispaturas, dolorem, inflammationem, motus anomalos, subsultus, artuum tremores infert. Viscidior, motui solidorum obnitendo nimis, horum hebetat elaterem, hinc pro imbecilliori solidorum, pro fluidorum lentiori, glandularum Emphrax, quæ nisi ad resolutionem, aut suppurationem citò ducatur, mox ad Scirrhum vergit. Fluidorum mutationi utpotè obnoxia crasis, pro rerum non naturalium abusu, morbis ut plurimum dat ansam, & originem. Ab animi pathematis gravissimi morbi, qui nisi citius solvuntur, in chronicos degenerant; unde affectus melancholici, hypocondriaci, hysterici. Aër utpotè intus & extus, tum solida, tum fluida, afficiendo (prout iis illisve fœtus miasmatis) fluidorum citius subigendo crasim, ac solidorum (pro elateris vi aut ignaviâ) corrugando, aut relaxando texturam, varias partibus inurit laves. Quæ solidorum corrugant elaterem, acutos invehunt. Quæ emolliunt rela-

A

xantque, chronicos inducunt affectus. A corrugatione motus convulsivi, membranarum distensio, punctura, phlogosis, omnium secretionum vel fœtiatio, vel perversio. A relaxatione, fluidorum iners, malè horum defœcationi sufficiens motus, unde glandularum, vasorum lymphaticorum infarctus, sanguiferorum coarctatio, nervorum contractio quæ scirrhusos sæpiùsque canerosus excipit, & sequitur tumor. Fluidorum vitata crasis, non sibiimet insensa solum, sed suam brevi solidis inferre luem; hinc quæ non à primo morbi insultu emendatur, sensim solidis vim infert, quæ paulatim à texturâ, quin & nonnunquam structurâ defleant: quæ non soli individuo peculiaris lues, imò cum vitâ in posteris sobolescit, eamque veluti primum à parentibus suscipiunt prædium nepotes, nec in posterum ullâ debellandâ arte quam ea quæ causam tollere, aut saltem ejus effectus præcavere par erit.

III.

IN semine, omnium partium delineamenta, aut potiùs ipsæmet partes tenuissimæ, fluidi more atque vaporis flexiles. In utroque sexu eadem (quæcunque adversus neoterici excogitarunt systemata) antiquitatis aut potiùs naturæ fidem nullatenus eludunt. Asinus & equa, tertium quid seu individuum parentum utramque speciem seu formam, & similitudinem referens, procreant. In hominibus idem: ex Europei & Æthiopisæ connubio, fusca progenies, utriusque coloris particeps. Semen igitur non ineptè omnium partium corporis quid deciduum dixeris, illarum structuram, atque virtutem continens; hinc non solum speciei conservatio, verum filiorum cum parentibus similitudo; hinc certa temperamenta, certi animi affectus, quæ parentum servant in natis formam, dum sui stant juris, dum verò ab illâ desciscunt, cum vis externa, aut interna insultus in eam ciet graves, nec unquam amissa, vel figuræ vel structuræ, vel virtutis damnum refarciunt, solius Naturæ credita viribus. Hinc hereditarii morbi, dum parentum misera stat proles usque reviviscunt. Epilepsiæ primi insultus, eam vim nervorum systemati, & cerebro incutit ut mox pro minimâ motatione concutiantur, tremant; unde suam penitus amittendo flexilitatem, rigescunt, sicque ut eadem ad nepotes transeat rigiditas; hinc Epilepticus Epilepticum procreat. Cranii strictior textura, cerebri vaporibus seu materiæ perspirationi præcludens exitum, quæ in menyngas stillando, has stimulat & convellit, Epilepsiæ nonnunquam causa; quam Cranii perterebratio, in spiraculi munus, solvit & aufert; ossa fungosave Calvariæ intus adnata tubera, menyngas preinendo, pungendo, teste experientiâ, sæpè epilepsiam invehunt. Sanguis dilutior, salibus turgens, membranas adigendo, nervorum, atque tendinum contracturas creat, quæ in partes (harum infirmo elaterem) seri decubitu promoven; quod prout hoc illoveturget sale, dolores artriticos invehit, quorum recurrit frequens paroxysmus, prout fibrarum magis debilitatus elater, quæ seri denuo depluentis illuvie, non solum elaterem, aut structuram, imò ipsammet figuram amittunt. Hinc tophi, gangliones, exostoses, artuum contracturæ. Calculosi affectus eadem penè ratio; hujus enim genesis modò à viscidâ colluvie in renum glandulis ac pelvi, ut aiunt, stagnante & concrecente, pro laxiori glandularum, modò econtrariò, pro strictiori texturâ, sanguini & lotio vix præter aditus solisque aquosis partibus datur, dum sulphuræ, salinæ aliaque cuscuscumque molis aut figuræ, sese invicem irriteriando, moram ne-

stunt. Hinc calor renum, dolor punctorius, vomituritio, vomitus, et nervorum sympathiam, atque crurum obtusus dolor. Etsi solâ Herculis clavâ videantur debellandi tot gigantei affectus, hos tutò tamen, si non citò profligabit, aut præcavebit Medicus, qui pro mentis sagacitate horum causas, saltem ex symptomatum ferociâ & invadendi more, cautus dignoscet.

I V.

RERUM causas utpote naturæ latentes thesauros cognoscere rarò & solùm homini superis dilecto datum. Ex effectibus alii pro mentis acie, studio atque scientiâ rimantur causas, & evolvunt. Ea morborum dignoscendorum vera lex & norma. Symptomata, morbum, causam & eventum sagaci Medico exhibent. Qui morbi causam noverit, num, illam tollere aut saltèm temperare, penes sit Medicinam, dijudicat. Mala partium conformatio, ut in gibbis, symptomata profert, quæ (etsi causa, nullâ arte sit superabilis) Medicinæ tamen legibus, mitescent; hinc fluidorum imminuendo molem, fluidiorem efficiendo, dyspnœa aliique lethales (qualis suffocatio, peripneumonia, phthisis) præcaventur eventus. In Epilepsiâ, infântum maximè, quam capitis gravitas, dolor obtulus, lacrimæ spontaneæ, ad somnum invita propensio, faciei pallidas, albus, color, oculorum intumescencia, glandularum cerebri laxiorem indicant texturam, & feri exundantis stagnationem, quod per alia corporis incernicula, emungi possulat, hinc phlegmagoga, diuretica, fonticuli, uberius exhausti serum, medulloso cerebri firmatur textura; unde genuina Epilepticorum sanatio. Quam verò dolor capitis acutus, perseverans, lancinans, vigilie, concomitantur; extraneum quid, menyngeas pungens declarat, uti callosam, fungosam, ossæamve intra calvariam adnatam molem, purulentam, verminosam, quæ Cranii perturbatione, eam (ubi sese oculis dat obviam) eximendo, solvitur. Quæ, seu statis seu incertis Lunæ phasibus, nullo symptomatum insultu prævio recurrit, nervorum stamina corrugata nimis, motui tremulo nimis obnoxia fluidorumq; certis salibus sextam crasim indicat, quæ sui facta juris, pro aculeis, nervorû & membranarû stimulo stamina, partes, quibus motum impertiunt, exagitant concutuntque, cujus medela sunt ea quæ sulphurum volatilium evolutionem, explosiones impedire, salium aciem obtundere, nervorum stamina emollire valent, uti oryzata, amygdalata; absorbentia alcalina, uti cranium humanum, pœonia, viscus quernus, cinnabaris nativa; ungula alces, &c. quæ à partibus extremis primos insultus epilepticos ad cerebrum usque protendit, in hac nervorum propagines hisce in partibus rigidiore, tremulasque nimis arguere est; quibus torporem, per balnea, fatus anodinos, narcoticos, inducendo Ars medetur. Arthritim, morbum hæreditariû hætenus habitam, ex symptomatum signorumque indole, hujus causam dignoscendo Medicus curat, præcavet penitusque nonnunquam solvit, quæ enim à sero lixiviali orta, eam imminente paroxifimo dolor pungens, has modò, modò illas partes agit, febris, sitis, cutis siccitas, urinæ Lymphicæ, aut flammæ, vigilie prænuntiant stipantque: astate, imprimis siccâ, recrudescit, vini tenuis & generosi potu, cupediis, salitis, ac piperatis, irâ, venere immodicâ sævit & exasperatur; illamque avertit & præcaveat dulcis & humectans diætâ, illamque solvit idem vitæ genus, sanguinis reperita missio, dulcis & humectans, oleosus, articulis adhibiti foci. Quæ serosæ illuviei in partes sive articulos laxiores decubitus causam habet, tenui & siccâ diætâ præcavetur & sanescit; hinc identidem hydragoga,

4

phlegmagoga, exsiccantia, uti decocta lignorum sassafras, Radicis sarsaparillæ, &c. ad serum, per sudores urinæ, ciendum feliciter usurpantur, non minùs ac fatus articulis moderatè calidi. Hac arte partium redintegratur vigor, Tophi, Gangliones, Exostoses, Enchylofes, artuum contracturæ præcaventur, quæ si ob errorem in diætâ jam enata sint, horum sistitur progressus symptomata præcaventur, effectusque mitescunt; nec ullum dixeris morbum seu insitum seu ascititium, cui non opem ferat Medicina, dum Natura vigeat satis ut medicamentorum virtutem dirigat atque moderetur.

V.

AT nonne sibi repugnat morbi hæreditarii & morbi sanabilis idea? Nonne morbos innatos per totius vitæ decursum suam vim exerere testatur experientia? Nonne de hisce morbis, quidquid de temperamentis (nullâ emendabilibus arte) judicandum? Temperamentorum vim aut potius causam evelli & immutari non frustra Medicina audet tentare; etsi non à fluidis (uti veteribus placuit) illorum repetenda origo; imò acertâ solidorum structurâ aut texturâ potius horum speciem & discrimen astruunt. Hepatis glandulæ vel ob strictiorem vel laxiorem texturam, sanguinem à partibus oleosis & resinosis repurgando impares, biliosam fluidorum constituunt diathesim, biliosam idiosyncrasiam, cujus nihilominùs vis retunditur, tum humectantis, diluentis ac dulcis diætæ auxilio quæ bilis ferociam coercet, sales solvit, quibus partes solidæ rigescunt, fluida concrefcunt, medicamenta exhibendo, quæ bilem per secessum ejiciunt, uti cholagoga, quæ glandulas hepatis referant, uti aperientia, quæ illarum laxiorem firmant & restitunt tonum, uti martialia, quæ ficiorem strictioremque emolliunt elaterem, uti Oryzata, Amygdalata, Hordeacea: sicque mali prima deletur labes, sicque effectus seu symptomata evanescent ac idiosyncrasia nova exurgit: idem de cæteris temperamentis sentias, quorum causam, ex signis & effectibus cognitam, penitus tolles; sin minùs, symptomata præcavebis, novam fluidis indendo crasim solidaque ad debitum elaterem reducendo. Testem adhibes experientiam? Eandem in rei fidem lubens mitto, nonne parentes certi temperamenti, liberos alius & planè diversi quotidie suscipiunt? At ex parentum diversâ idiosyncrasia, aut à solâ matre, per gestationis tempus, certum vitæ genus agenti, aut à diversi temperamenti nutrice repetendum, forsan dixeris? Esto ergo ex diversâ vivendi ratione, ex diversâ principiorum miscellâ, quid exurget diversum? Ast an alius Medicinæ scopus?

Ergo Morbus hæreditarius Arte sanabilis.

Domini Doctores disputaturi.

<i>M. Thomas-Renatus Gagnier.</i>	<i>M. Petrus Maloet, Regis Consiliarius & Medicus, necnon Domus Regiæ Invalidorum Militum ordinarius.</i>	<i>M. Franciscus Gouet.</i>
<i>M. Philippus Davier de Brévillè.</i>	<i>M. Ludovicus-Simon Emmaux.</i>	<i>M. Urbanus Leaulié.</i>
<i>M. Jacobus Tranç, Regiæ Scientiarum Academia.</i>	<i>M. Guillelmus de Magny.</i>	<i>M. Franciscus Picoté de Belestre.</i>

Proponēbat Parisiis, LUDOVICUS COSNIER, Flexiensis, Baccalaureus Medicus, A. R. S. H. 1743. à sextâ ad meridiem.